

دائرة مخصوصه

درسعادتده باب عالی جوارنده

محل اداره :

مشرق و قلم

۱۳۲۶

اخطار :

مسلكنزه موافق آثار جديده مع المنوحيه
قبول او انور

درج ايده بين آثار اعاده او انور

ديگر، فلسفه، علوم، حقوق، ادبيات و سياستنامه و باطامه كرك سياسى و كرك اجتماعى و مدنى احوال و مشوره اسلاميه در تحت ايد و هفته ده بر نشر از انور.

آبونه بدلى

سنه لكى

التى آيلنى

ممالك عثمانيه ايچون ۸۰

۴۰

غروش

روسيه »

۶۰۵

۳۰۵

روبله

سائر ممالك اجنبيه »

۱۷

۹

فرائق

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قبراه دن مقوا بورو ايله كوندريليرسه سنوى

۲۰ غروش فضله آلير

عدد : ۸۰

۵ ربيع الاول ۳۲۸ پنجشنبه ۴ مارت ۳۲۵

دردنجى جلد

التجا ایدر . و مسلمان قرداشلر مکده عفو تقصیراتم خصوصنده دعاده بولونملرینی استرحام ایدرم .

اصابت محرری

ع . م . جغتای

علی اصغر معین الدین اوغلی غفوروف

(ان الله يحب التوابين) جناب حق توبه ایدنلری سور . کافر اولسه بیله ، مادام که توبه ایدور ، مغفرت اولونه جنی الطاف سبحانی دن مأمولدر . روسیه لی اسلام قارداشلر مندرده بوداتک شوقصورینی بردها قاله آلاملرینی ، اسلامه مخصوص علو جناب ابراز بیورملرینی رجا ایدرز . »

بخارا و بلغارستان حکمدارلری ..!

با کوده منتشر صدا رفیقمنز بخارا امیرینک بلغار قرالی زیارتی اعاده سز قالدیغندن بحث ایله دیور که :

« بخارا امیرینک پترسبورغده بلغار قرال وقرالیچه سنی زیارت ایتدیکنی یازمش ایدک . قرال وقرالیچه نک اعاده زیارت ایتدیکنه دائر بالاخره هیچ بر خبر آلمه مدی . دیمک اولیور که امیر بخاراده سائر افراد ناس کی بلغارستان قرالی طرفندن یالکز « قبول اولندی » . یعنی قرال وقرالیچه ایله ملاقاتی زیارت صورتیه تلقی اولونمادی .

شیمدی بو حادثه فی تدقیق ایدلم ، بز مسلمانلرک تابعل متواضعلکی ، اوز قدرلرینی تقدیر ایتمه ملری ، اسلامیتک آمر بولندینی عزت نفسی محافظه ایتمه ملری باقکز نه کبی نتایج تولید ایدیور . بخارا امیری اون میلیون مسلمانک حکمدار ایدر . عصرلردن بری مستقل بر حکمداردر . دهها دون استقلاله نائل اولان و بونعمتیده اوته کینک بریکنک سایه سنده الده ایدن الی یدی میلیون برخلافک حکمدارینی زیارت ایدیورده انک طرفندن قبول شککنده تلقی اولیور . بخارا امیری روسیه ایمپراطورینه ، خاندانه قارشی بر مودت بسلیور ، بونلره تواضع واحترام ایللیورسه ایکی دولت اراسنده کی مناسبت موجوده طولایسییه بوکا دیه جک یوق .

فقط بخارادن اون بیکارجه فرسخ اوزاقده اولان ، ضعیف و آنکه هیچ بر مناسبت سیاسیة تأسیسی متصور اولمایان دونکی واسال (تابع) بر بکلکک حاکمه بویه اون میلیون اهل اسلامک تمثال مشخصی اولان بر حکمدارک بودرجه لرده تواضعده بولونمسنه طوغروسی هیچ بر معنی ویریله من .

امیر بخارا ، بلکه بونی دوستم روسیه نک مسافری اولسی حسیه یاییورم ، دیه جک . لکن بوقیل تشریفات کهنه مشرق زمین حاکملرینک آدابندن اولقله قوف بی معنی عقیده لر جمله سندن در . شیمدی اوعقیده لر کهنه لشدی ، اونلرک یرینه یکی آداب مخصوصه قائم اولدی .

امیر بخاراده بو آداب مخصوصه جدیدیه ییلمز دکل کوریلور که جناب عالی کندی شان و شرفی شویله طورسون ملتک شان و شرفی نه اولدیغنی هنوز تقدیر ایتیور اشته بزمنده تأسف ایتدنکدن نقطه بوراسیدر . »

معهود تاریخ اسلامیت حقنده

قزائنده منتشر « بیان الحق » رفیقمنز دوقتور عبدالله جودت بکک (تاریخ اسلامیت) نامنده کی ترجمه سندن بحث ایله دیور که :

« دوقتور عبدالله جودت بک قلمیه له ترجمه ایدیلان دوقتور ر . دوزینک تاریخی مندرجاتنک بومقامده نه دن عبارت اولدیغنی بیان ایتک امکان خارجنده در . یالکز شوقدر دینیه بیایر که :

مرقومک زعم فاسدینه کوره دین مبین اسلام اصلسز بر دین اولوب خفیلکک ، زردشتلکک تحت تأثیرنده توسع ایتش موسویلکدن عربستانک « دین » قدیمندن وخرستیانلقدن آیتش ایتش . (ص : ۱۷۵) حتی اسکی « انزوپومورفیزم » اعتقادی (!) نکرده اسلامیتده آناری وارمش (ص : ۱۵ - ۲۶۷) رسول الله افندمنز حقنده کی تفوهاتی نقل ایتیه جکمز یالکز : « هیسته ریاخته لغنه مبتلا ایدی » طرزنده کی اسنادی محررک نه درجه لرده تحقیراته جرأت ایتش اولدیغنی حقنده بر فکر ویره بیلور .

هله قرآن عظیم الشان حقنده نه صاحبه لر ضاورولمش کویا قرآنده هیچ انتظام و مناسبت یوقش مکی ومدنی سوردرلر آراسنده بیوک تفاوت کوریلور ایتش قرآنک انشای جمعه تاریخ نزولی بیلان کیمسه قلامش اولسی حسیه له آیات کریمه لرک ترتیبی تمامیه کبی اولمش بناء علیه هیچ بر کتابده کوریله میه جک قاریشقلقلر حصوله کاش (ص : ۱۶۲ - ۱۵۳) مؤلف هیچ اوتانمندن قرآن قدر آز اساسلی و صوک درجه لرده مطلب واوصاندریجی بر کتاب طانیدیغنی و حتی « مقامات حریری » درجه سنده بیله اولمادیغنی بیان ایدیور . (ص : ۱۵۷) دوزینک جهالتی و یاخود حقیقت دشمنی اولدیغنی آچیقندن کوسترمک ایچون ترجمه دن برایکی سطری عیناً نقل ایدم جکمز :

کتابک ایکنجی جلدنده (ص : ۵۵۶) : « اسلامیت سالیکلری یوز میلیون تخمین اولونمقده روسیه وسیع ایمپراطور لغنده تقریباً ایکی میلیون (!) مسلمان وار ؛ مسلمانلر اوراده (۵۴۸۳) جلد ۶۲ مدرسه یه مالک تقریباً (۱۵۰۰) کشتی آیین اسلام مأموریدر « دیور . دیگر بر محله دخی « هندستانده : (۱۶ - الی ۳۰) میلیون مسلمان وار « دیور سده عبدالله جودت خیلی انصاف ایدرک (۶۵) میلیونه قریب « دیور دیمک ایستهرزکه بو حریف روسیه نه موجود اهل اسلامک مقداری بیله بیلمیور و یاخود ستر ایتک ایستور . بو کون انده اون بش تینلک کوچک جغرافیا کتانی بولندیران بر آدم بتون دنیا یوزنده کی مال مختلفه نک تقریبی اولسه ده مقداری درست بیایدکی حالده فلان وفلان لقبلرینی طاقینان بر پروفیسور ان اهمیت ویردکی مسلمانلرک حقیقی مقداری شایان دقت و عبرتدر . بوقدر جق بر معلومات بسیطیه بیله مالک اولمایان بر شخصک اون اوج عصر اولکی حاللری تنقید ایتسی فصل تجویز اولنور ؟ یاخود بویه کون کی آشکار اولان بر حقیقتی سترایله کوری کورینه قارلرینه یوتدیرمغه چالیشان بر متعند میسیونرک افکار فاسده سنده کی اصابتی فصل ادعا اولنه بیلور و تخصیص بش بیکدن زیاده کوستردیکی جامعلر ایچون یالکز بیک بشوز قدر مأمور کوسترسمی قواعد ریاضیه نک قغیسیله قابل تألیف و توفیق اوله بیلور . فاعتبروا »